



江蘇省地方志編纂委員會辦公室 編

江蘇歷代方志全書

46



江蘇省地方志編纂委員會辦公室編



鳳凰出版社

江蘇歷代方志全書

46

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. — 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00圓(全九十九冊)
(本書凡印裝錯誤可向承印廠調換, 電話: 0514-87969255)

民國吳縣志(十四)

曹允源等纂修



第四十六冊目錄

民國吳縣志（十四）

.....

〇〇一

吳縣志卷第七十五下

列傳

藝術二

長洲縣

明

吳奕字嗣業號茶香居士長洲人文定公寬從子善書筆法類文定

姑蘇名賢小記

章文字簡夫以字行長洲人楷法絕類文待詔工鐫刻待詔所書非簡夫刻石不快子孫字

仲玉能習父業書法尤精

文淵閣所藏吳奕所書題額題文敬閣郭公傳筆意

沈庭訓字子承長洲人爲諸生有聲好爲古文詞又喜爲詩尤工書法自晉唐以來名人盛

刻手畢皆逼真或按其時世先後辨其真贋巧拙皆如目擊吳人士爭求之卷軸充塞几

案庭訓應之終日無倦容

周鼎

湯如玉字白雪長洲人僑寓齊州工真草篆隸尤善鉤臨法帖有肅府石刻傳世

山東通志

蘇復字性初長洲人以貢爲綿州知州作畫師盛懋後官遊歸並變舊習然不苟作終歲不

足

縣

卷七十五下

列傳藝術二

一

能脫一幅孔昭之速性初之遲各擅其所長

蘇志

朱正字守中長洲人正德初以名醫徵字畫秀潤知名珍重之

懷慶集

周之冕字服卿長洲人寫意花鳥最有神韻設色亦鮮雅家畜各種禽鳥群其飲啄飛止故

動筆具有生意

畫史

曹義字羅浮長洲人物山水仿宋元種種逼真

同上

張翀字鳳儀長洲人善人物山水精細處得元人遺韻

同上

沈碩字宜謙長洲人善畫山水人物有吳鎮之風寓南京學畫三年不下樓工於臨摹一女

嫁楊伯海亦善寫生工折枝花黃姬水題其杏花詩云燕飛繡閣簾櫳靜執扇新題春思

長妙繪一絛仙媛手海棠生豔復生香

國繪寶鑑卷四
金陵市

張祝字啓韶號賜閒長洲人宣德庚戌進士爲保定知府工竹石正統初上疏言畿甸旱蝗

乞暫停征稅放免匠役蠲除例斃馬匹以甦民困

張氏

宋克字仲溫居南宮里自號南宮生少任俠好走馬擊劍學兵法張士誠欲羅致之不就幾
中以法性忤直以氣自豪與人議論則必勝援古切今人莫能難自開一室置周彝漢鼎

唐琴宋硯其間尤喜學書碑版羅列座右元季學書者多宗趙承旨克獨不受繩縛時有
宋廣字昌裔亦善書時稱二宋克任鳳翔府同知卒

乾隆
縣志

趙良仁字以德其先於宋有屬籍良仁少試吏憲司即棄去從丹溪朱彥修學醫治療多有
奇效名動浙西東所著醫學宗旨金匱方衍義并丹溪藥要等書張氏據吳良仁家去
浙後復來吳占籍長洲以高壽終子友同自有傳

乾隆
縣志

顧亨字汝嘉長洲人行草篆隸並入能品真楷爲一時之冠歷官至太常寺丞

蘇南
長洲志

陳天定字定之長洲人儒雅善畫喜元理家多名幅故花草翎毛人物皆絕勝山水宗沈周

志通

尤求字鳳邱長洲人仇英壻也以寫人物擅一時書畫揭鉢圖天人帝釋羣鬼阿羅各極變
態見者或起粟女適周牧夫婦皆工繪事

志通

邵彌字仲彌長洲人少好學多才藝詩宗陶韋畫仿宋元草書出入大小米楷法逼虞褚平
生揮灑小幀尺幅人皆藏弄或購之累數十金而彌用以搜金石鼎彝及圖章玩好諸物
此外蕭然無辦題所居曰陋室性舒緩有潔癖整拂巾履經營几硯煩數纖悉僕厭苦

吳

縣

志

卷七十五下

列傳藝術二

二

妻子竊聞終其身不歿

吳偉業妻山人墓誌

卞文瑜字潤甫長洲人工畫山水不名一家生平無定居爐香茗碗到處自隨吳偉業九友

歌有晚年筆力凌滄洲幅巾鶴髮輕王侯之句增禽絲字言如亦以畫名

志

周悅字晉卿長洲人善山水

畫史

劉觀字士寬長洲人世以醫顯父毅爲燕府良醫後坐事謫戍歿於戍所永樂初追念郎臣召觀還擢御醫賜居第凡中外親藩貴戚及公卿近臣有疾多命往治尋陞院判掌院事恩從北征歸卒子冲自有傳孫倫字宗序成化中爲御醫吳氏有女跌傷其面久腫不消倫曰多骨瘡也法當飲麻藥以刀剔出其骨即愈不然明年此時死其家以爲浪語已而瘡中骨漸長竟至礙鼻晝夜呼號而卒

姑蘇志

沈貞吉字南齊

國朝詩史作名貞字貞吉

長洲相城里人畫師董源可亞劉珏與弟恆吉皆工唐

律兼善繪事又素貌人畜亦工絕每賦一詩營一幀必累月閱歲乃出不可以貨取故尤以少得重家庭之間自相唱和下至僕隸悉請文墨幾若康成之婢兄弟並年八十外

中吳

佳贊記

朱紳字大章長洲人始祖潛字景賢山宋南遷世系降至紳十五世次紳出贅滕氏尤以癘
醫稱子孫能世其業

吳中人

張世華字君美其先汴人宋南渡時有名彥者以防禦使備兵衛吳遂家焉三傳至端禮始
以醫名述元醫進爲保冲大夫曾大父耕尤著名嘗爲周文襄所禮重父頤字養正能預
刻年月決人生死世華嘗就徵從征西南諸國軍士行道病者多賴全活正德間吳中大
疫世華攜藥糗於通衢隨請而應有酬之金帛者笑而謝之子成德係舉禮並以保御勞
擢官

乾隆
縣志

王式字無倪長洲人

太倉人

工細人物宗宋人法

無錫書

王觀字惟頤賓曾孫高簡循矩有隱人風治疾審天時地氣五行生剋不膠故方遇病者以

平等有無告者撮之人服其道術之良江南北推上醫

乾隆
縣志

劉廣字元博長洲人山水秀潤

畫史

臬司濂字子約一字道隱長洲人嘉靖甲辰進士授戶部主事作花竹木石瓊妙不事撰述

惟詩不廢臨唐人帖臻妙昆弟四人皆好學工詩與張鳳翼昆弟先後著名吳中典惜薪

吳縣

志

卷七十五下

列傳藝術二

三

廠時尙書文明安父爲賈僞增數國利杖而按其罪明召讓切責之讓抗言曰公掌邦政縱奸人干紀又欲奪郎官法守耶明爲歛容謝免以大計納職

明史
廉傳

王問臣字正叔號刻川長洲人嘉靖壬戌進士仕至河南按察使畫得寫生之趣長古詩詞書畫行篆居朝泊如絕不以干進爲意生平淡泊寡營家無長物飲酒賦詩之外緼袍晏

如卒以廉吏稱

蘇州名賢
畫像

朱質字吟餘長洲人工山水人物

畫史
畫

朱繪字理之蘇州人與唐寅同時山水類之

無竹
詩史

朱凱字堯民長洲人善畫工詩與朱存理齊名人稱兩朱先生著句曲紀游

詩集
小傳

王允京長洲人家白下畫宗文唐寫照出曾鯨之門

畫史
允

陳道復初名淳字道復後以字行更字復甫別號白陽山人瑯孫少從文徵明游凡經學古文詞章書法畫品咸臻其妙其後書畫自成一家家本大族饒富父歿不屑親家政已而北游入國學盡付其家於僕人衆以大損然絕不介懷惟讀書玩古從高人勝士從容詩酒興酣則作大草數紙或畫山花鳥獸者以爲入神也所棲曰五洲田舍有茂林修竹花

源柳陝關關鶴園酒宿漁艇極幽居之勝城中舊第留一子守之以奉祭祀問爲人所強
局舟泊信宿而返晚歲同翰之重不減沈文二先生張賓嘗評曰有雲林之飄灑而無其
鮮同石田之高潔而通於和論者以爲當卒年六十二子枚善畫括善畫同治府志引王
又云猶自有傳今不見於稿中列明詩集云行時飲酒縱有竹林之習畫亦放浪不修可
以見其爲人矣 乾嘉志云淳好其奇說之行時南院有馬廐者焉厚畫求之不可得一
日陳靜舍陳名姓訪陳經畫供陳陳曰何如陳曰畫氣大仙可憎似陳白鶴耳陳爲
點其畫石觀覺重趣生動雖無畫陳曰何如陳曰畫氣大仙可憎似陳白鶴耳陳爲
變其貌者亦稿中所求及特補錄於此

沈昭字秋尊長洲人無錫詩史作所江人晉大劈斧山水尤善青綠畫史

戴纓字清之長洲人水墨梅鶴頗得生趣上

徐鎮長洲人少年活人獨多教皇帝以馬逸傷諸尙藥以非世業莫能治召鎮治之奏效官

至九列子孫世以其術仕醫垣又有張致和者亦精於醫竹奉徵召正德朝名

陳尙古字彥模長洲人善畫畫史

薄珏字子珏長洲人居嘉興其學精微博奧凡陰陽占步戰陣屯牧製造雕鏤皆以口代書
以手代口遠近欽服然莫知所授謝中流寇犯安慶巡撫張國維令珏追銅砲砲發三

吳縣志 卷七十五下 列傳藝術二 四

十里每發一砲設千里鏡視賊所在賊先被糜爛又製水車水銃地雷地雷等器賊無算國難處於朝不報退歸吳門肅然蓬戶室中器具畢備常遊渾天儀周圍不踰尺而日月之盈縮曉昴星辰之宿離伏逆不爽累黍其法川直線分割四輪以有定之角絜無定之邊東西南北遠至億萬里如在咫尺卽勾股法也於古來諸歷家獨推郭守敬授時歷海外亦重其名然卒以窮死

乾
隆
志

朱貞字宏儒執子少博學能文兼好詩畫隨父宦游四方徧閱名山大川見卽有紀紀卽有圖圖不窮其勝概數奇乘輿子業專攻繪事師舅氏謝樹仙藏其筆法有天然之趣然不欲以技顯平居杜門養高父執多名公鉅卿曾不一干謁性方介爲鄉里推重

無
訛
志

金鬼谷家郡城醋庫巷有富商問命肆中適一貧者負薪而來曰我年月日時皆與彼同何彼富而我貧也鬼谷曰汝當往南方千里外可以致富貧者告其母母曰汝有姊在閩中當往他日詣姊姊亦貧甚且室窄不能容鄰舍有空房但一宿必見鬼物乃使暫宿之貧者入夜果見鬼物入穴中而沒遂得黃金百鎰有金鼓覆其上貧者歸以金鼓報鬼谷鬼谷因署其門曰吳中名術金鼓傳家

廣
府
志

清

黃燦字冠山號野亭嘉善人僑居楓鎮喜仿畫尚統間作人物樹石秀雅有卷軸氣似亦不

爲所囿寫梅亦佳

吳香厓
黃燦

程奎光字貞白長洲人工楷法爲鄉廷暘弟子山水摹黃公望能得其渾厚蒼鬱之致亦能

詩題畫牘作皆新穎可喜著有畫友錄

吳林
今話

張瑞字維四長洲人善花卉寫意更佳

吳綸寶
吳瑞

孫雲球字文玉一字泗濱居虎邱母董如閩通文藝雲球幼稟夙慧年十三爲縣學生父歿

家墜喪亂常賣藥得資以供母雲球精於測量凡有所製造時人服其奇巧嘗以意造自

然料定晝夜晷刻不逾分秒又用水晶創爲眼鏡以佐人目力有老少花遠近光之類隨

目對鏡不爽毫髮聞者不惜出重價相購天台文康裔忠短視雲球出千里鏡相贈因偕

登虎邱試之遠見城中樓臺塔院若接几席天平靈殿穹窿諸峯峻峭蒼翠萬象畢見乃

大詫且喜曰神哉技至此乎雲球笑曰此未足以盡吾奇也又出數十鏡示之如存目鏡

百倍光明無微不顯萬花鏡能視一物化爲數十其餘爲鏡半鏡夕陽鏡多而鏡幻容鏡

吳縣志

卷七十五下

列傳藝術二

五

察微鏡放光鏡夜明鏡種種神明不可思議著鏡史一帙令坊市依法製造遂盛行於世
董母序之曰夫人有苦心每不敢求人知甚至有不欲爲人所知者故無恆產而有恆心
者惟士爲能今吾子不得已託一藝以給薪水豈吾子之初心哉康熙初卒年三十三

文定字子敬更名止字止庵長洲人從簡族人善花鳥與王武齊名

畫微

張畫字文始長洲人生而免缺善寫生花鳥入能品爲王武高弟

吳門
補乘

張修號損之長洲人家林陵性狷介自闢三徑於慈衆寺側常獨坐鐘樓閉戶不聞聲遐想

雲外蕭然吮筆作畫不凡工山水花草蟲鳥更好圖繪稱花

畫微

王岐字斗文長洲諸生從何焯學文有典則書宗晉唐尤得力於唐李邕徐浩兩家澗勁中

有排蕩之致蠅頭小楷懸臂疾書最爲能品爲人修潔自好淡於進取爲鄉里所稱

名微
府志

謝淞洲字介淵長洲人布衣詩宗西昆畫學倪黃後兼宋人筆意疏爽有法則精鑒別古法

書名繪與夫金玉磁器雍正初特旨召入命其鑒別內府所藏之眞贋因進所畫山水世

宗嘉之留一載以疾罷歸

道光
府志

顧孫貽字與傳長洲人工山水太倉州開府沅見其畫謂出常熟王景上遂自號馳煙散人

以眾號耕煙散人也兼能詩善飲

道尤府志

吳三錫字師中號秋坪長洲人

雷興紀作吳縣人

家業酷少從鄭廷谷廷賜學遂以書名尤工小楷

購藏漢唐碑版及名人遺迹甚夥三錫既善書求書者腐集必求常意否則不憚屢易紙

也性好客座上常滿有前代錢穀王硯登之遺風

吳門補乘吳門舊集記合寫

宋霖號雪香長洲貢生世居楓橋幼有孝行長工六法有山水之好凡吳中諸勝履齒所到

歸輒爲圖其秋山無盡畫卷最爲時賢所稱

道尤府志

楊昌緒字補帆長洲人善山水兼工士女花卉嘗入蜀佐福郡王戎幕至苗疆飽覽山川奇

勝畫學益進遊武林客阮元卿煥仙館與諸名士遊自畫鳳凰山下讀畫圖因號鳳凰山

樵晚寓揚州小秦淮往來吳門旋卒

今話林

黃叔元字盤山長洲人居城中草橋以草橋自號精小兒醫善畫馳其畫初無人知高宗南

巡見而賞之一時名大起醫名遂爲畫名所掩好讀中庸關尹子書發言爲妙知有道者

與同縣彭績最善績嘗有時贈之

今話林今話同治府志合寫

是系

志

卷七十五下

列傳藝術二

六

步 鼎 記 卷之十一

顧靖遠字松園長洲人康熙時曾入太醫院著醫要若干卷醫鏡十六卷同時有汪琬自號

奇齋子著增補成氏傷寒明理論

書原

陸燦號星三長洲人工人物花卉長於寫真乾隆庚子奉旨召寫御容其弟子尤伯宣亦吳

中傳真妙手也

吳中

朱璣字蘊玉長洲游歷關人韻精詩畫學山水得倪瓚意高宗南巡嘗獻畫

詩畫

陳炳字虎文長洲人隱居陽山性狷介不肯隨俗而意致高遠時宗王孟又好鐫篆秦章漢

印晝夜鐫篆類顧苓兼長真行書晚效趙宦光作草篆有陽山集十卷

上

邵源字滌夫號滌庵長洲游歷關人廩貢生歷任桃源宿遷等學訓導學兼漢宋詩古文

詞至老手不釋卷工楷法得晉唐人祕又喜作山水筆致蒼勁卓然大家卒年七十五著

有滌庵詩稿子二長鳳池字翰卿能詩文次士楷字端臣工書畫俱諸生

上

姚頤字季開自號樸園居士性孤冷不苟然諸工詩文善草隸不喜習帖括絕意進取家貧

掩關讀書庭蕉繞戶夷然不屑除之親友有勸其應試者笑曰吾賦形癯陋非簪紱中人

鵠印宗顧苓草秦漢工整一派然不輕爲富貴人奏刀年末五十卒

鵠印